



**V**Viglethus ob magnā corporis & animi fortitudinem Danorum rex electus est. Cum autem Amlethus eo tempore in Britānia esset, atque in patriam reuerteretur, id factum æquo animo tulit, atque Vvigletho splendidissimis uictoriæ suæ manubijs donato, iniuriā beneficio rependit. Verū postea odium erupit, atque uterq; sese prælio accinxit. In eo tādē Vviglethus superior euasit, atq; Hermuthrudam Amlethi uxorem sibi matrimonio coniunxit. Sponderat hæc prius Amletho, se ne in aduersa fortuna eum deserturā, ac cum eo morituram: id quod tamē nequaquam præstitit. Ita uotum omne fœmineum fortunæ ua-

rietas abripit, temporum mutatio dissoluit, & muliebris animi fidem lubrico nixam uestigio, fortuiti rerum casus extenuant, ut Saxonis uerbis utar. Cum hoc modo anno 3400. Vviglethus sua uirtute sibi regnum stabiliuisset, tādē tranquillam ac diutinam regni procurationem emensum morbus consumpsit. Cuius filius Vvermundus successit. Sax. Gram. lib. 4. Dan.